

तिमोथीला पावलकी टिवु यिकी डियवा दी थेपकी कोर्ला

दी यिकी डियवा ति पावलकी सुड ख्याप्टाक कितुपला खोसुड सिनाड छयुडा वोतुप शब्ज्यी कितुप तिमोथीला टिवु खोरो पेटाड यिन। तीकी तेन्दोक ति “हम कितुप” यिन। दी यिकीला पावलकी तिमोथीला कोन्छयोकला मोवा क्यानी ख्रीष्ट येशूकी कोर्ला पड्बु बिन्नी देतुप ताड खोकी लेन ल्यामु ताड ठिम डियड्बाकी कोर्ला पड्बु तेस्प येन्देन टेड्बुला रम्बु क्यानी दे, तमा दुक्पा ख्येलुप ताड मीतिवी तेन्दोकला लासिनाड गेकेन ताड सुड ख्याप्टाक कितुप मीकी कि गोवु लाका कियी दे सिनी डाडेड तेस्पला पेटाड बिन्दुप यिन।

दी यिकीला खक्छयेवु ताम्डे ति “जम्बुलिडकी अम्बराडिशड ताम्डे नेसुर” च्याड्से दे सिनी सिक्या वे। तुका ताम्डे अम्बराडिशड ड्येन्दुपतिवाला ख्येप्साड मेवी, ना तोड्गुप ते क्योल्गिबी सिनी सिन वे।

दी तेरी ताम्डेकी कोर्ला पावलकी तिमोथीला तीकी मिजी ताड नोवाकी पड्बु ति खोरो तेपा ताड हम क्यानी देतुप ताड डियड्ज्ये कितुप ताड छेटाडला ख्येलुप कोर्ला टेन्सो लोड्गिबी।

मुला राड वोतुप लोप्च्येनतिवा

पावलकी डोशी १:१-२

सोवा ताड गोड्बा १:३-२:१३

पेटाड ताड च्याड्से देतुप २:१४-४:५

पावलकी खोरो ताम्डे ४:६-१८

तिड्मी टसी देलेक ४:१९-२२

पावलकी तिमोथीला टसी देलेक

1 टसी देलेक! येशू ख्रीष्टला वोतुप थाक्छयेन नड्गुप मिजी नेसुर कोन्छयोककी नोवाकी पेन नड्गुप ख्रीष्ट येशूकी लोमा छये ड पावलकी

2 आड तिमोथीला दी यिकी ति टिवु यिनो।

पपा कोन्छयोक ताड दाक्पी चोवो ख्रीष्ट येशू नेमा ख्युरूडला कटिन ताड च्यम्बा ताड लोदिमु वुडशी।

कोन्छयोककी लेन ल्यामुला खोड्तेर्मु वुड गोकिवी

3 ड इयी ताड नुप्या मोपोर कितुप पेला ख्युरूडला नासाम तड्नी चोवो कोन्छयोकला थुचिछे बुलिन। ती कोन्छयोकला डे पगावा हड्गावातिवी शब्ज्यी पुलुप दोके ड साड सेम टेड्बु क्यानी शब्ज्यी बुलिन।

4 ख्योरो सेम्टुक क्यानी मिक्च्युर तड्गुप ति नासाम शनीं ड ख्युरूडला ठेयिन्दे लड्गिनोक। ख्युरूडला ठेतुप इयेसिन डला छासे सेम लोदिमु गिवी।

5 ख्योरो सेम टेड्बु क्यानी तेपा क्यावु ति डला नासाम शर्किनोक। ती तेपा ति तोड्ला ख्योरो गाका लोइसला ताड ख्योरो आमा युनिसला साड वे, तमा तन्दा ख्योरो मिजीला साड वोतुप ति डला तेन्तेन वे।

6 तुक क्यानी ड ख्युरूडला तामडे यी टेन्दा लोड्गिन। ती ति काड यिन सिसिन, डे ख्योरो गोला लाक्पा ज्याक्नी मोपोर क्यासिमा कोन्छयोककी ख्युरूडला नड्गुप कटिनकी इयेम्बा ति टोक माज्येनी तीला रम्बु जोपला यिन।

7 च्यिलासिसिन कोन्छयोककी दाक्पुला ज्यिवा लड्गुप सेम मिन, ओड ताड ड्गिड्ज्ये ताड डेकला देतुप सेम नड्नी वे।

8 ती तप्की दाक्पी चोवो येशूकी थोक्ला पड्बु तेस्पला डोछा माकी, याड्ना खोकी थोक्ला ड चोन्खाडला शोस्प यिन सिनी साड डोछा माकी। यिने कोन्छयोककी ओडला खोकी लेन ल्यामु ख्याप्टाक कितुपला दुक्पा खुर।

9 खोकी दाक्पुला दिक्पा ने थर च्यिनी दाक्पु टेड्बु च्युड्गुपला कताड नाड्सुड। ती ति दाक्पी लाका ल्यामु क्यावु तप्की मिन, यिने खोकी नोवा ताड कटिनकी जोसालेन्सिन यिन। ती कटिन ति जम्बुलिड ज्येड्गुप पेला नेज्युनी येशू ख्रीष्ट नेसुर खोकी दाक्पुला नड वे।

10 तन्दा ती कटिन ति दाक्पुला दिक्पा ने थर ज्यितुप येशू ख्रीष्ट फेप्नी छया तेन वे। खो टुड्नी साड डोसु लानी शोपकी ओडला ग्येलनी लेन ल्यामु नेसुर दाक्पुला नाम्साड मिशिवु मिजी वोतुप ति छया तेन्सुड।

11 ती लेन ल्यामु ख्याप्टाक कितुपला खोकी लोमा छये ताड गेकेन सिनी डला पेन नड्गुप यिन।

12 ती तप्की डला दुक्पा वोसिनाड तीकी थोक्ला ड डोछा मिकी। च्यिलासिसिन डे सुला तेपा क्या वे, ती ति डला ल्यामु क्यानी छ्या वे। खो माफेवा सेक खोकी डला चेक तेन नड्गुप लाका ति खोकी राड रूहोक्नी ज्योकिवी सिस्स ति डला तेन्तेन वे।

13 येशू ख्रीष्ट नेसुर वुड्गुप तेपा ताड ड्यिड्ज्ये नेसुर डे ख्युरूडला बिन्दुप येन्देन टेड्बुला सिक्पावु दोके लुमु से।

14 तमा ख्युरूडला चेक तेतुप सुड टेड्बु ति दाक्पी मुला ज्यु वोतुप कोन्छयोककी थु चाड्माकी ओडला रूहोक्नी ज्योक।

15 ख्युरूडला छ्या राड वे, एशिया लुड्बाला देतुपतिवा तेरीकी डला क्युर ज्याक्नी गाल्सुड। तिवी पर्ला फुगेलस ताड हर्मोगेनस साड यिन।

16 चोवोकी ओनेसिफरसकी मिछाडला मोलाम नड्शी, च्यिलासिसिन तीकी डला माड्शोक टोड्गु बिन्सुड। तमा ड चोन्खाडला ख्येलुप थोक्ला साड तीकी डोछा माक्यानी

17 रोमला वासिमा कोरा ख्यर ख्यिर ग्यप्नी डला छाल्नोक। तमा ड ताड मुला ठेसुड।

18 चोवो फेपुप तुजेला खोकी तीला च्यम्बा नड्शी। एफिससला वोतुप पेला तीकी डला कशेन दाल्जा किटे क्यासुड, ती ताम्डे ति ख्युरूडला साड छ्या वे।

2

येशू ख्रीष्टकी खोड्तेर्मु वोतुप मक्मी

1 तुक क्यानी आडो, ख्युरूड ख्रीष्ट येशूकी नड्गुप कटिनला तेपा रम्बु क्यानी देता।

2 मी मड्मुकी मिङ्गाला डे ख्युरूडला येन्देन बिन्दुप ताम्डे ति खोड्तेर्मु वोतुप मी यम्बाला साड लोप। तमा तिवी येलुड मी यम्बातिवाला लोप थुप्शी।

3 मक्मीतिवी मक ग्यकुपला चो दुक्पा वोसिनाड हम क्या देतुप दोके क्यानी ख्योरो साड येशू ख्रीष्टकी थोक्ला लेन ल्यामु ख्याप्टाक कितुपला ड्यिरा मुला दुक्पा खुर गोकिवी।

4 मक्मीला श्वु मी ति लाका यम्बाला येनी मेदेवी। च्यिलासिसिन तीकी खुरूडला मक्मीला ज्यितुप मी तीला सेमला डोप लाका कि गोकिवी।

5 ती दोके चिर्मु चेष पेला साड चिर्मु चेष मी ति तीकी ठिमला देनी चिर्मु माचेसिन तीला छयक्तक मोथोपिवी।

6 हुर्ताक क्यानी सप्ले लाका कितुप मी तीकी गोमाला डुप्सेन साप ड्ये गोकिवी।

7 दी डे सिक्यावु ताम्डे ति ल्यामो नासाम तोड। च्यिलासिसिन चोवोकी ख्युरुडला तेरी ताम्डे हाक्कोवु ओड नड्गिवी।

8 ग्येल्वु दाऊदकी गिपाला क्येवु येशू ख्रीष्टला नरी नासाम तोड। कोन्छयोककी खोला टुङ्गुप ने डोसु लङ्गुप यिन। डे ख्याप्टाक क्यावु लेन ल्यामु ति दी राड यिन।

9 ती लेन ल्यामुकी थोक्ला राड ड दुक्चे क्येनला शोस्प मी दोके च्याटोक ग्यप्नी छेटाड खुरिन वे। यिन्सिनाड कोन्छयोककी सुडला च्याटोक ग्यक मुथुपी।

10 तुक क्यानी कोन्छयोककी पेतुपतिवी थोक्ला ड हम क्यानी देतिन। ती ति तिवाला साड येशू ख्रीष्टकी नङ्गुप थर्वा ताड नाम्साड मिशिवु मोवा ड्ये थुप्शी सिनी यिन।

11 दी ताम्डे ति टेड्बु यिन।

दोजो दाक्पु खो ताड मुला राड शिसुड सिसिन खो ताड मुला राड सेन्बु साड लड्गिवी।

12 दाक्पु खोकी थोक्ला छेटाड ख्येल्सिनाड हम क्यानी दे थुप्सिन दाक्पु खोकी मुला राड ग्येला कितुप ड्येकिवी।

यिने दाक्पी खोला सेमला मिलिड्गिवी सिसिन खोकी साड दाक्पुला डो मेशेवी सिनी सुड्गिवी।

13 दाक्पु खोड्तेर्मु मेसिनाड खो खोड्तेर्मु वे,
च्यिलासिसिन खोकी सुङ्गुप ति नाम्साड मोफोवी।

कोन्छयोकला गा लोङ्गुप कोर्ला

14 दी ताम्डेकी कोर्ला तेपा कितुप मीतिवाला टेन्दा लोड। तमा चोवो कोन्छयोककी थोड्दाडला क बिन्नी तिवा ताम्डे छिक च्यिकला साड खौंदा मिकिशी। तुका ताम्डे ति काड साड फेन मोथोवु यिन, ती ताम्डेकी जोसालेन्सिन ड्येन्दुपतिवाला मेलोवा जेवी।

15 ख्युरुड अछयोता सेक कोन्छयोककी सुड टेड्बु ति ल्यामु क्यानी ख्याप्टाक की, तुक क्यासिन खोकी ख्युरुडला गा किवी, तमा ख्युरुड डोछाला साड मेख्येल्वी।

16 कोन्छ्योकला मोवा मेतुप जम्बुलिङकी गो ताड चा मेतुप ताम्डेतिवा माङ्येना। च्यिलासिसिन तुका ताम्डेतिवी कोन्छ्योकला मड मड मोवा मेतुप जेवी।

17 तुका ताम्डेतिवा म बुनी डमु ग्यावु दोके यिन। तुका ताम्डे मेटेड्बु कितुपतिवी पर्ला हुमेनियस ताड फिलेतस साड यिनो।

18 तिवी ती ताम्डे टेड्बु क्युर ज्याक्नी शेप ने सेन्बु लङ्गुप ति तोड्ला के च्युङ्गुप यिन सिनी मीतिवाला येन्देन मेटेड्बु लोक्किनोक। तिवी तुका ताम्डे मेटेड्बु लापनी माङ्शोक मीतिवाला तेपा कितुप क्युनी ज्योक च्यिसुड।

19 यिन्सिनाड कोन्छ्योककी डम्जयी रम्बु जोसुड। ती डम्जयीला “कोन्छ्योककी खोरे पेतुप मीतिवाला डो शेकिवी।”* सिनी टि वे। तमा “चोवो कोन्छ्योकला तेपा किवी सिनी सिस्प मी तेरीकी दिक्पा कितुप क्युर गोकिवी।”* सिनी टि वे।

20 दी ताम्डे साड नासाम तोडा। मी छ्येतिवी खाड्बा सेर ताड डुलकी नेक्योक तिराड मेवी, यिने शिड ताड थली नेक्योक साड गिवी। ती नाड्ला सेर ताड डुलकी नेक्योक ति नाथोप डेन्बु वुङ्गुप पेला थोकिवी, शिङगी नेक्योक ताड यम्बा नेक्योकतिवा यम्बा पेला थोकिवी।

21 ती दोके सी साड दिक्पा कितुप क्युनी खुरुड टेड्बु जेवी सिसिन ती ति नाथोप पेला खाड्बी ज्यिन्दाककी खक्छ्येवुला थोकुप चेङ्गा वोतुप नेक्योक दोके च्युङ्नी ज्यिन्दाककी थोक्ला तेरी लाका ल्यामु कितुप च्युङ्गिगी।

22 ख्युरुड नाज्युड वोतुप पेला नासाम शरूप ताम्डे मेलोवातिवा क्युर, तमा सेम टेड्बु क्यानी कोन्छ्योकला तेपा कितुपतिवी मुला राड टेड्बु कितुप ताड तेपा रम्बु कितुप ताड मी यम्बाला ड्यिङ्ज्ये कितुप ताड लोदिमु कितुप छोल।

23 यिने काड साड हाक्मोकोवु तेन्दोक मेतुप ताम्डेला माङ्येन। च्यिलासिसिन तुका ताम्डेकी थमु तिराड लोङ्गिगी सिस्प ति ख्युरुडला साड छ्या वे।

24 कोन्छ्योककी थोक्ला शब्जयी कितुप मी तीकी थमु ग्यकुप मेवी, यिने तेरी मीतिवाला च्यङ्च्यु कितुप ताड तिवाला ल्यामु क्यानी येन्देन तेस्प ताड हम क्या देतुप ताड

25 कुसु ज्यम्बु क्यानी रङगी तेन्दोकला लङ्गुप मीतिवाला साड ल्यामु क्यानी लोप गोकिवी। तुक क्यासिन कोन्छ्योककी तिवाला साड सेम ग्युर च्यिनी तिवी

* 2:19 २:१९ गन्ती १६:५ * 2:19 २:१९ गन्ती १६:२६

खोकी सुड टेड्बुला तेपा कि थुष्किवी।

26 तमा तिवा सेम ड्येनी शैतानकी ओड नेसुर थनी कोन्छयोक्की नोवाला युक् थुष्किवी।

3

तिङ्मी तुजेला वुङ्गुप दुक्पाकी कोर्ला

1 आड तिमोथी, दी ताम्डे ति ल्यामो हाक्कोवा किसान, कोन्छयोक्की ठिमकी तुजे मालेपा सेक्ला छासे दुक्पाकी तुजेतिवा गितो।

2 ती तुजेला मीतिवा खोरो थोक्ला तिराड नासाम तोङ्गुप ताड टङ्गा डेवाला तिराड चा कितुप ताड अम्बारडिशड कितुप ताड तेके कितुप ताड मीला मारे तोङ्गुप ताड पपाआमी खला मेड्येन्दुप ताड टेन मसम्बुप ताड कोन्छयोक्कला ताङ्देन मिक्वि ताड

3 मी सुला साड डियङ्ज्ये मिक्वि ताड मीला माफ मेतेस्प ताड ताम्डे क्योमा ज्यितुप ताड डेकला मेदेवु ताड वल्दुङ्बा कितुप ताड ताम्डे टेड्बुला गा मिक्वि ताड

4 मीला जिनोक जोनी क्येन तेस्प ताड डियर्मु कोक्पु वोतुप ताड ड राड यिन सिस्प ताड कोन्छयोक्कला सिनाड गा ताड किर्मुला तिराड नासाम तोङ्गुप ताड

5 मी मिङ्गाला ति कोन्छयोक्कला तेपा कितुप दोके जेवी, यिने कोन्छयोक्कला तेपा क्यानी वुङ्गुप ओडला ति मेड्येन्दुप गिवी। तुका मीतिवा नेसुर कुतुक देता।

6 तिवी पर्ला ललाइ ललाइ मीतिवा खाङ्बा खाङ्बाला गल्नी काड साड हाक्मोकोवु पुम्पेजातिवाला लुनी खोपे ओडला ज्योकिवी। ती पुम्पेजातिवा ति दिक्पी ओडला शोस्प ताड जम्बुलिडकी नासाम दुक्टाला तिराड युकिवी।

7 तुका पुम्पेजातिवा लोपुप याड नरी लोष्किवी, यिने ताम्डे टेड्बु ति नाम्साड हाक्मोकोवी।

8 यान्नेस ताड याम्ब्रेस मोशाकी तेन्दोकला लावु दोके ती मीतिवा साड टेड्बु वोतुप कोन्छयोक्की तेन्दोकला लङ्गिगी। तमा तिवी सेम ति मेलोक्पा गलुप ताड तिवी क्यावु तेपा ति टेड्बु मेतुप गिवी।

9 तुका मीतिवा नरी सेक छयम मुथुपी। च्यिलासिसिन यान्नेस ताड यम्ब्रेसकी दोके तिवी अम्बारडिशड क्यावु ति मी तेरीला ठछ्येली हाक्कोकिवी।

पावलकी तिमोथीला बिन्दुप तिङ्मी टोङ्गु

10 यिने त याड ख्योरो डे बिन्दुप येन्देन ताड डे किताड नालु ताड डे मिजीकी नोवा ताड डे क्यावु तेपा ताड डे हम क्या देतुप ताड डे क्यावु डियेङ्ज्ये ताड ड डेकला देतुप ति तेरी थोङ्नी वे।

11 एन्टिओखिया ताड आइकोनियन ताड लुस्त्राला डे चो छेटाड ताड दुक्पा खुसुड सिस्म ति ख्युसुडला साड छ्या वे। डला चो छेटाडतिवा ख्येल्सिनाड ती तेरी छेटाड नेसुर कोन्छ्योककी डला र्होकसुड।

12 वुतुड के येशू ख्रीष्टला तेपा क्यानी मिजी टेड्बु क्योङ्गुप मीतिवा तेरी छेटाडला राड ख्येलिगीवी।

13 मी दुक्टातिवा ताड मीला केन्दुप मीतिवा मीला केन्नी राड मड मड दुक्टा डिवी। तमा मी यम्बी साड तिवाला तुकै राड किवी।

14 यिने ख्युसुड ति ख्योरो लापुप येन्देन ताड तेपा रम्बु क्यावु तामडेतिवाला ज्युनी दे। ती येन्देन ति सु नेमा लापुप यिन ख्युसुडला छ्या राड वे।

15 ख्युसुड टिक्पे वोतुप पेला नेज्युनी चाड्मा वोतुप कोन्छ्योककी सुङ्गी कोर्ला छ्या वे। ती सुङ्गी ख्रीष्ट येशूला तेपा क्यासिमा दिक्पा ने थरुप कोर्ला ख्युसुडला रिक्पा तेकिवी।

16 दी तेरी कोन्छ्योककी सुड ति खोकी थु चाड्मा नेमा टेड्बु जोवु यिन। दी ति लाप्नी तेरुपला ताड लाका मेलोकपा कितुपतिवाला वोरु देन्दुप ताड ड्येवुतिवाला ल्यामु जोप ताड टेड्बुकी कोर्ला येन्देन तेरुपला छासे खक्ख्येवु वे।

17 तुक क्यानी कोन्छ्योकला शब्ज्यी कितुप मी टडिक क्यानी तेरी लाका ल्यामु कितुप च्युङ्शी सिनी कोन्छ्योककी दी सुड ति दाक्पी थोक्ला नङ्गुप यिन।

4

1 येशू ख्रीष्ट ग्येला कितुपला फेपुप पेला सेन्बु वोतुप ताड शेषतिवा तेरीला ठिम क्या नङ्गिगीवी। तुक क्यानी कोन्छ्योक ताड ती येशू ख्रीष्टकी थोङ्दाडला ड ख्युसुडला क छ्येम्बु बिन्नी सिरिन।

2 ख्युसुड कोन्छ्योककी लेन ल्यामु ख्याप्ताक कितुप पेला मीतिवी ड्येन्सिनाड माङ्ग्येन्सिनाड चो पेला साड टडिक क्यानी दे। ड्येवु मीतिवाला ल्यामु जोप ताड वोरु देन्दुप ताड सेम सो। मीतिवाला येन्देन तेरुप पेला डेकला देनी ल्यामु क्यानी येन्देन बिन।

3 च्यिलासिसिन तुका तुजे यी गितो। ती तुजेला मीतिवा येन्देन टेड्बुला सेमला मोडोवु ताड खुरूडला सेमला गलुप ताम्डे तिराड इयेन्दुप नो कितुप ताड दाक दाक्पुला सेमला डोप येन्देन लोपुप गेकेनतिवा तिराड बडी कतोड्गिगी।

4 तिवा येन्देन टेड्बुला ति इयेन्दुप नो मिकिगी, यिने मीतिगी शेतुप तेन्दोक मेतुप पेटिवा तिराड इयेन्दुप गा किगी।

5 यिने ख्युरूड ति चो पेला साड सेम थिला ज्याक्नी चो दुक्पा वोसिनाड लेन ल्यामु ख्याप्टाक कितुप ताड खोला शब्ज्यी कितुप लाका ति तेरी किसा।

6 डला दी चोन्खाडला सेतुप पेला लेप्नी वे। त याड डे मिजी ति कोन्छयोककी थोक्ला बुलुपला टडिक वे।

7 खीष्टकी थोक्ला डे कि गोवु लाकातिवा तेरी क्यानी सिन वे। त याड डे छयोड्बाल ग्यक गोवु लाका ति तेरी छेसुड। डे क्यावु तेपा साड डे र्होक्नी ज्यकिन।

8 त याड कोन्छयोककी चिप्ला डे लाका टेड्बु क्यावु छयक्तक इये गोवु तिराड लुनी वे। ती ति ठिम क्या नड्गुप टेड्बु वोतुप कोन्छयोककी राड डला नड्गिगी। डला तिराड मिन, खो फेपुप तुजे सेक तेपा क्यानी गु देतुपतिवा तेरीला खोकी नड्गिगी।

पावलकी खोरो ताम्डे

9 च्युडिसिन ख्युरूड डला ठेतुपला डमु राड शोक।

10 च्यिलासिसिन डेमासकी दी जम्बुलिडकी ताम्डेला नासाम तड्नी डला क्युर ज्याक्नी थेसलोनिकेला गाल्सुड। क्रेसेन्स साड गलातियाला गाल्सुड। तमा तीतस ति दलमातियाला गाल्सुड।

11 तसाम डे मुला लूका तिराड वोतो। ख्युरूड बुड्गुप पेला मर्कूसला छल्नी ख्योरो मुला राड टिनी शोक। च्यिलासिसिन ती ति डला दाल्जा कितुपला छासे फेन थोवु वोतो।

12 तुखिकसला ति डे एफिससला तड्यिनो।

13 त्रोआसला कार्पसकी ते डे क्युनी ज्यकुप छयोवा ताड थेपतिवा ताड खक्छयेवुला क्वाकी लोला छयो टिवु थेपतिवा ख्युरूड बुड्गुप पेला मुला राड खुनी शोक।

14 अलेक्जेन्डर सिस्प नेक्योक जोप तीकी डला छासे मेलोवा क्यासुड। तीकी क्यावु लाकाकी थोक्ला कोन्छयोककी तीला पचर्या तोड्गिगी।

15 ख्युरूड ती नेसुर च्याइसे देता। च्यिलासिसिन दाक्पी लेन ल्यामु ख्याप्टाक क्यावु ताम्डेला तीकी दाक्पी तेन्दोकला लासुड।

16 थल्माला ड ठिम्खाडला क्यल्प पेला सी साड डे छयोला ताम्डे मालाप, यिने तेरीकी डला क्युर ज्याक्नी गाल्सुड। तीकी क्येन ति तिवाला मोफोक्शिता।

17 यिने चोवो येशू डे मिजीला ज्युनी डला डार नड्सुड। तीकी तेन्दोक ति यहदी मिन्दुप मिरिक यम्बाकी मीतिवा तेरीला कोन्छयोक्की सुड ख्याप्टाक क्यानी तिवाला ती सुड तेरी हाक्को ज्यितुपला यिन। तमा खोकी डला ठिम्खाडकी सेतुप छयेर्पा नेसुर र्होक्सुड।

18 तमा चोवो कोन्छयोक्की डला तेरी दुक्टा नेसुर साड र्होक्नी देवाच्येनकी ग्येल्खापला टिनी डिवी। तुक क्यानी खोला नरीकी नरी मोवा वुडशी। आमिन।

पावलकी बिन्दुप तिङ्मी मोलाम

19 प्रिस्किला ताड अकिलास ताड ओनेसिफरसला साड टसी देलेक सिनी सिसा।

20 इरास्तस ति कोरिन्थला राड देसुड, त्रोफिमस ति नावु तप्की मिलेटसला क्युनी ज्यकिन।

21 च्युडिसन ख्युरूड डमु क्यानी गुन्बु थेन्दुप गोमाला राड वुड्गुप जोसा। युबुलसकी साड ख्युरूडला टसी देलेक तङ्नी वोतो। तमा पुडेस ताड लिनस ताड क्लौडिया ताड यम्बा तेपा कितुप मीतिवी साड टसी देलेक तङ्नी वोतो।

22 चोवो कोन्छयोक् छियरा सेमला ज्युशी, तमा खोकी कटिन साड छियराडला थोप्शिता।

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be